



白氏文集

三四五

~ 16
3345
4



門 16
號 3345
卷 4

白氏文集卷第三

諷諭三凡二十首

新樂府并序

序曰凡九千二百五十二言斷為五十一篇篇無定句
句無定字繫於意不繫於文首句標其目卒章顯其
志詩三百之義也其辭質而徑欲見之者易論也其
言直而切欲聞之者深誠也其竅而實使采之者傳
信也其體順而肆可以播於樂章歌曲也摠而言之
君為臣為民為物為事而作不為文而作也

元和四年為左拾遺時作

七德舜美撥亂陳王業也



昭和四年十二月二十日寄
原安三郎氏贈

法由美列聖正華聲也

二王後明祖宗之意也

海漫漫戒求仙也

立部伎刺雅樂之替也

華原磬刺樂工非其人也

上陽白髮人愆怨曠也

胡旋女戒近習也

新豐折臂翁戒邊功也

太行路借夫婦以諷君臣之不終也

司天臺引古以倣今也

捕蝗刺長吏也

昆明春水滿思王澤之廣被也

城鹽州美聖謨而誚邊將也

道州民美臣遇明主也

馴犀感為政之難終也

五絃彈惡鄭之奪雅也

蠻子朝刺將驕而相備位也

驃國樂欲王化之先適後遠也

縛戎人達窮民之情也

驪宮高美天子重惜人之財力也

百鍊鏡辨皇王鑑也

青石激忠烈也



兩朱閣刺佛寺滯多也

西涼伎刺封壇之臣也

八駿圖戒奇物懲佚遊也

澗底松念寒雉也

牡丹芳美天子憂農也

紅線毯憂蠶桑之費也

杜陵叟傷農夫之困也

繚綾念女工之勞也

賣炭翁苦官市也

母別子刺新間崔暹也

陰山道疾貪虜也

可時也粧警戒也

李夫人鑑嬖惑也

陵園毒憐幽閉也

鹽商婦患幸人也

杏爲梁刺居處奢也

井底引銀瓶止淫奔也

官牛諷執政也

紫毫筆譏失職也

隋堤柳憫亡國也

草茫茫懲厚葬也

古塚狐戒艷色也

黑潭龍疾貪夫也

天可度惡詐人也

秦吉了哀冤民也

鷓九劔思決壅也

採詩官鑑前王亂亡之由也

七德舞

七德舞七德歌傳自武德至元和元和臣白居易觀舞聽歌知樂意樂終稽首陳其事太宗十八舉義兵白旄黃鉞定兩京擒克戮竇四海清二十有四功業成二十有九即帝位三十有五致太平功成理定何神速速在推心置人腹亡卒遺骸散帛收飢人賣

子分金贖魏徵夢見天子泣張謹哀聞辰日哭怨女三千放出宮死囚四百來歸獄剪鬚燒藥賜功臣李勣嗚咽思殺身含血吮瘡撫戰士思奮呼乞効死則知不獨善戰善乘時以心感人人人心歸今來一百九十載天下至今歌舞之歌七德舞七德聖人有作垂無極豈徒耀神武豈徒誇聖文太宗意在陳王業王業艱難示子孫

法曲歌

法曲法曲歌大定積德重熙有餘慶永徽之人舞而詠法曲法曲舞霓裳政和世理音洋洋開元之人樂且康法曲法曲歌堂堂堂之慶垂無疆中宗肅宗

復鴻業唐祚中興萬葉法曲法曲合夷狄夷聲邪
亂華聲和以亂于和天寶末明年故塵犯宮闈乃知
法曲本華風苟能審音與改通一從胡曲相忝錯不
辨興衰與哀樂願求牙曠止華音不令夷夏相交侵

二王後

二王後彼何人介公鄒公為國賓周武濟文之子孫
古人有言天下者非是一人之天下周亡天下傳于
隋隋人失之唐得之唐興十葉歲二百介公鄒公世
為容明堂大廟朝享時別居賓位備威儀備威儀助
郊祭高祖太宗之遺制不獨興滅國不獨繼絕世欲
令嗣位守文君亡國子孫取為戒

海漫漫

海漫漫直下無底旁無邊雲濤煙浪最深處人傳中
有三神山山上多生不死藥服之羽化為天仙秦皇
漢武信此語方士年年采藥去蓬萊今古但聞名烟
水茫茫無覓處海漫漫風浩浩眼穿不見蓬萊島不
見蓬萊不敢歸童男壯女舟中老徐福文成多誑誕
上元太一虛祈禱君看驪山頂上茂陵頭畢竟悲風
吹蔓草何況玄元聖祖五千言不言藥不言仙不言
白日昇青天

立部伎

立部伎鼓笛箏舞雙劍跳七九嬭巨索掉長竿太常

部伎有等級堂上者坐堂下立堂上坐部笙歌清堂
下立部鼓笛鳴篳歌一聲衆側耳鼓笛萬曲無人聽
立部賤坐部貴坐部退為立部伎擊鼓吹笙和雜戲
立部又退何所任始就樂懸操雅音雅音替壞一至
此長令爾輩調宮徵圓丘后土郊祀時言將此樂感
神祇欲望鳳來百獸舞何異北轅將通楚工師愚賤
安足云太常三卿爾何人

華原磬

華原磬華原磬古人不聽今人聽泗濱石泗濱石今
人不擊古人擊今人古人何不同用之捨之由樂工
樂工雖在耳如壁不分清濁即為磬梨園弟子調律

呂知有新聲不知古古稱浮磬出泗濱立辯致死聲
感人富懸一聽華原石君心遂忘封疆臣果然胡寇
從燕起武臣少肯封疆死始知樂與時政通豈聽鏗
鏘而已矣磬棄入海去不歸長安市人為樂師華原
磬與泗濱石清濁兩聲誰得知

上陽白髮人

上陽人紅顏暗老白髮新綠衣監使守宮門一閉上
陽多少春玄宗末歲初選入入時十六今六十同時
采擇百餘人零落年深殘此身憶昔春悲別親族扶
入車中不教哭皆云入內便承恩臉似芙蓉曾似玉
未容君王得見面已被楊妃遙側目妬令潛配上陽

宮一生遂向空房宿秋夜長夜長無寐天不明耿耿
殘燈背壁影蕭蕭暗雨打窗聲春日遲日遲獨坐天
難暮宮鸞百轉愁馱聞深鶯雙栖老休妬鸞歸鶯去
長悄然春往秋來不記年唯向深宮望明月東西四
五百迴圓今日宮中年最老大家遙賜尚書號小頭
鞋履窄衣裳青黛點眉眉細長外人不見見應笑天
寶末年時世粧上陽人苦最多少亦苦老亦苦少苦
老苦兩如何君不見昔時君向美人賦又不見今日
上陽白髮歌

胡旋女

天寶末康居國獻之

胡旋女胡旋女心應絃手應鼓絃鼓一聲雙袖舉迴

雪飄飄轉蓬舞左旋右轉不知疲千匝萬周無已時
人間物類無可比奔車輪緩旋風遲曲終再拜謝天
子天子爲之微啓齒胡旋女出康居徙勞東來萬里
餘中原自有胡旋者劇妙爭能爾不如天寶季年時
欲變臣妾人人學圓轉中有太真外祿山二人最道
能胡旋梨花園中冊作妃金雞障下養爲親祿山胡
旋迷君眼兵過黃河疑未反貴妃胡旋惑君心死棄
馬鬼念更深從茲地軸天維轉五十年來制不禁胡
旋女莫空舞數唱此歌悟明主

新豐折臂翁

新豐老翁八十八頭鬢負鬚皆似雪玄孫扶向店前

行左臂憑肩右臂折前翁臂折來幾年魚肉致折何
因綠翁云貫屬新豐縣生逢聖代無征戰慣聽梨園
歌管聲不識旗槍與弓箭無何天塞大徵兵戶有三
丁點一丁點得驅將何處去五月萬里雲南行聞道
雲南有瀘水椒花落時瘴烟起大軍徒涉水如湯未
過十人二三死村南村北哭聲哀兒別爺孃夫別妻
皆云前後征蠻者千萬人行無一迴是時翁年二十
四兵部牒中有名字夜深不敢使人知偷將大石鎚
折臂張弓斃旗俱不堪從茲始免征雲南骨碎筋傷
非不苦且圖揀退歸鄉土臂折來來六十年一肢雖
廢一身全至今風雨陰寒夜直到天明痛不眠痛不
眠終不悔且喜老身今獨在不然當時瀘水頭身死
魂飛骨不收應作雲南望鄉鬼萬人塚上哭啾啾老
人言君聽取君不聞聞元宰相宋開府不賞邊功防
黷武又不聞天寶宰相楊國忠欲求恩幸立邊功邊
功未立生人怨請問新豐折臂翁

太行路

太。行。之。路。能。推。車。若。比。人。心。是。坦。途。巫。峽。之。水。能。覆
舟。若。比。人。心。是。安。流。人。心。好。惡。若。不。常。好。生。毛。羽。患
生。瘡。與。君。結。髮。未。五。載。忽。從。牛。女。為。參。商。古。稱。色。衰
相。棄。背。當。時。美。人。猶。怨。悔。何。况。如。今。鑿。鏡。中。妾。顏。未
改。君。心。改。為。君。薰。衣。裳。君。聞。蘭。麝。不。馨。香。為。君。盛。容

飾君看金翠魚顏色行路難難重陸人生莫作婦人
身百年苦樂由他人行路難難於山險於水不獨人
間夫與妻近代君臣亦如此君不見左納言右納史
朝承恩暮賜死行路難不在水不在山只在人情反
覆間

司天台

司天台仰觀俯察天人際義和死來職幸廢官不求
賢空取藝昔聞西漢元成間上凌下替謫見天北辰
微暗少光色四星煌煌如火赤耀芒動角射三台上
台半滅中台圻是時非無太史官眼見心知不敢言
明朝趨入明光殿唯奏慶雲壽星見天文時變兩如

斯九重天子不得知不得知安用臺高百尺爲

捕蝗

捕蝗捕蝗誰家子天熱日長飢欲死興元兵久傷陰
陽和氣盡蠱化爲蝗始自兩河及三輔荐食如蠶飛
似雨而飛蠶食千里間不見青苗空赤土河南長吏
言憂農課人晝夜捕蝗蟲是時粟斗錢三百蝗蟲之價
與粟同捕蝗捕蝗竟何利徒使飢人重勞費一蟲雖
死百蟲來豈將人力競天災我聞古之良吏有善政
以政驅蝗蝗出境又聞貞觀之初道欲昌文皇仰天吞
一蝗一人有慶北民賴是歲雖蝗不爲害

昆明春水滿

貞元中始漲之

昆明春昆明春春池岸古春流新影浸南山青澗
波沉西日紅滄淪往年因旱靈池竭龜尾曳塗魚
煦沫詔開八水注恩波千介萬鱗同日活今來淨
渌水照天游魚鱗鱗蓮田田洲香杜若抽心短沙
暖鴛鴦鋪翅眠動植飛沈皆遂性皇澤如春無不
被漢者仍豐網罟資貧人又獲菰蒲利詔以昆明
近帝城官家不得收其往菰蒲無租魚無稅近水
之人感君惠感君惠獨何人吾聞率土皆王民遠
民何踈迨何親願推此惠及天下無遠無迨同
欣欣吳興山中罷權若鄱陽坑裏休封銀天涯地
角無禁利熙熙同似昆明春

城鹽州

貞元壬申歲特詔城之

城鹽州

城鹽州城鹽州城在五原原上頭蕃東節度鉢闌布
忽見新城當要路金鳥飛傳贊普聞建牙傳箭集群
臣君臣赭面有憂色皆言勿謂唐無人自築鹽州十
餘載左社擅裘不犯塞晝牧牛羊夜捉生長去新城
百里外諸邊急警勞戍人唯此一道無煙塵盛夏潛
安誰復辨秦原暗通何處見鄜州驛路好馬來長安
藥肆黃耆賤城鹽州鹽州未城天子憂德宗按圖自
定計非關將略與廟謀吾聞高宗中宗世北虜猖狂
最難制韓公創築受降城三城鼎峙屯漢兵東西直
絕數千里耳冷不聞胡馬聲如今邊將非無策心笑

韓公築城壁相看養寇為身謀各握強兵同恩澤
願分今日邊將恩褒贈韓公封子孫誰能將此鹽
州曲翻作歌詞聞至尊

道州民

道州民多侏儒長者不過三尺餘市作矮奴年進送
號為道州任土貢任土貢寧若斯不聞使人生別
離老翁哭孫母哭兒一自陽城來守郡不進矮奴類
詔問城云臣按六典書任土貢有不貢無道州水土
所生者只有矮民無矮奴吾君感悟聖書下歲貢矮
奴宜悉罷道州民老者幼者何欣欣父兄子弟始相
保從此得作良人身道州民民到于今受其賜欲說

使君先下淚仍恐兒孫忘使君生男多以陽為字

馴犀

馴犀馴犀通天犀軀貌駭人角駭雞海壑間有明天
子驅犀乘傳來萬里一朝得謁大明宮歡呼拜舞自
論功五年馴養始堪獻六譯語言方得通上嘉人獸
俱來遠壘館四方犀入苑銖以瑤菊鑠以金故鄉近
逸君門深海鳥不知鐘鼓樂池魚空結江湖心馴犀
生處南方熱秋血白露冬血雪一入上林三四年又
逢今歲苦寒月飲冰卧霰苦蹉跎角骨凍傷鱗甲縮
馴犀死蠻兒啼向闕再三顏色低奏乞生歸本國去
恐身凍死似馴犀君不見建中初馴象生還放林邑

君不見貞元末，馴犀凍死蠻兒泣。所嗟建中異貞元，
象生犀死何足言。

五絃彈

五絃彈五絃，彈聽者傾耳。心寥寥，趙薛知君入骨。
愛五絃一一為君調，第一第一絃。索索秋風拂松
疎韻落，第三第四絃。冷冷夜鶴憶子龍，中鳴第五絃。
聲最掩抑隴水凍，咽流不得五絃並。奏君試聽淒淒
切切復錚錚，鏤擊珊瑚一兩由。冰瀉玉盤千萬聲，殺
聲入耳膚血寒。慘氣中人肌骨酸，由終聲盡欲半日。
四座相對愁無言，座中有一遠方士。唧唧咨咨聲不
已，自歎今朝初得聞。始知孤負平生耳，唯愛趙薛白

髮生老死人間無，此聲遠方士爾聽。五絃信為美，吾聞
正始之音不如是。正始之音具若何，朱絃踈越靖廟歌。
一彈一唱再三歎，由淡節稀聲不多。融融曳曳召元氣，
聽之不觉心平和。人情重今多賤古，古琴有絃人不撫。更
從趙薛藝成來，二十五絃不如五

蠻子朝

蠻子朝沈皮船，兮渡繩橋來自鄮州。道路遙入界，先
經蜀川過。蜀將收功先表賀，臣聞雲南六詔蠻東連。
牂牁西連蕃，六詔星居初瑣碎。合為一詔漸強大，開元
皇帝雖聖神。唯蠻倔強不來賓，鮮于仲通六萬卒。征
蠻一陣全軍沒，至今西洱河岸邊。箭孔刀痕滿枯骨

誰知今日慕華風不勞一人壘自通誠由陛下休明德
亦賴微臣誘諭功德宗省表知如此笑令中使迎壘
子壘子導後者誰何摩沙俗羽隄及隈伽清平官持
赤藤杖大將軍繫金吐嗟異年尋勇哥爾勸持
勅召對延英殿上心貴在懷遠壘引臨玉座近天
顏冕旒不垂親勞俸賜衣賜食移時對移時對不
可得大臣相看有美色可伶宰相拖紫佩金章朝日
唯聞對一刻

驃國樂 貞元十七年來獻之

驃國樂驃國樂出自大海西南角雍羌之子舒難陀
來獻南音奉正朔德宗立仗御紫庭黠纒不塞為爾

聽玉螺一吹推髻聳銅鼓千擊文身踊珠纓炫轉星宿搖
花鬘斗藪龍蛇動曲終王子啓聖人臣父願為唐外臣
左右歡呼何翕習皆尊德廣之所及須臾百辟詣闕
門俯伏拜表賀至尊伏見驃人獻新樂請書國史傳
子孫時有擊壤老農人暗測君心閑獨語聞君政化甚聖
明欲感人心致太平感人在近不在遠太平由實非由聲觀
身理國國可濟君如心兮民如體體生疾苦心憫悽民得和
平君愷悌負元之氏若未安驃樂雖聞君不歡負元之
民苟無病驃樂不來君亦聖驃樂雖聞君不歡負元之
芻蕘言

縛戎人

縛戎人縛戎人車穿面破驅入秦天子矜憐不忍殺詔徙
東南吳與越黃衣小使錄姓名領出長安乘遞行身被金
瘡面多瘡扶病徒行日一驛朝食飢渴費盃盤夜卧腫膿汚
床席忽逢江水憶交河坐手齊聲嗚咽歌其中一虜語諸
虜爾苦非多我苦多同伴行人因借問欲說喉中氣憤憤自云
鄉管本涼原大曆年中沒落蕃一落蕃中四十載遣著皮裘繫
毛帶唯許正朝服漢儀歛衣整巾潸淚空誓心定歸鄉
計不使蕃中妻子知暗思幸有殘勛力更恐年衰歸不得
蕃候嚴兵鳥不飛脫身冒死奔逃歸晝伏宵行經大漠
雲陰月黑風沙惡驚藏青塚寒草疏偷渡黃河夜冰薄
忽聞漢軍鼓聲路傍走出再拜迎游騎不聽能漢語將
軍遂縛作蕃生配向江南旱湿地略無存卹空防備念此吞
聲仰訴天若為辛若度殘年涼原鄉井不得見胡地妻兒虛
棄指沒蕃被囚思漢土歸漢被劫為蕃虜早知如此悔歸
來兩地寧如一處若縛戎人戎人之中我若辛自古此冤應
未有漢心漢語吐蕃身

白氏文集卷第三

不來成月人備有衣兮九月有松吾君在死已五載何
不一字于其中而女都自我多地皆君不避有深意
對朝有宴飲慕有勳中人之虛數百家未足充
君一日夢吾君修己人不知不自逃兮不自悔吾
君身及人不知不自逃兮不自悔吾

白氏文集卷第四

諷諭四

新樂府

三十首

驪宮高

高高驪山上有宮，朱樓紫殿三四重。
 遶遶兮春日玉，粲暖兮溫泉溢。
 嫋嫋兮秋風山，蟬鳴兮宮樹紅。
 翠華不來歲月久，牆有衣兮瓦有松。
 吾君在位已五載，何不一幸乎其中。
 西去都門幾多地，吾君不遊有深意。
 一人出兮不容易，六宮從兮百司備。
 八十一車千萬騎，朝有宴飫暮有賜。
 中人之產數百家，未足充君一日費。
 吾君修己人不知，不自逸兮不自嬉。
 吾君愛人人不識，不傷財兮不傷力。
 驪宮高高兮

高入雲君之來兮爲一身君之不來兮爲萬人

百鍊鏡

百鍊鏡鑄範非常規日辰處所靈且祗江心波上
舟中鑄五月五日日午時瓊粉金膏磨瑩已化爲
一片秋潭水鏡成將獻蓬萊宮揚州長史手自封
人間臣妾不合照背有九五飛天龍人人呼爲天子
鏡我有一言聞太宗太宗常以人爲鏡鑑古鑑今
不鑑容四海安危居掌內百王治亂懸心中乃知
天子別有鏡不是揚州百鍊銅

青石

青石出自藍田山魚車運載來長安工人磨琢欲何

用石不能言我代言不願作人家墓前神道碣墳土
未乾名已滅不願作官家道傍德政碑不鑄實錄
鑄虛辭願爲顏氏段氏碑雕鏤太尉與太師刻
此兩片堅貞質狀彼二人忠烈姿義我心若石屹
不轉死節名流確不移如觀奮擊朱泚日似
見叱呵希烈時各於其上題名謚一置高山一
沈水陵谷雖迂碑獨存骨化爲塵名不死長使
不忠不烈臣觀碑改節慕爲人慕爲人勸事君

兩朱閣

西朱閣南北相對起借問何人家貞元雙帝子帝
子吹簫雙得仙五雲飄飄飛上天第宅亭臺不將

去化為佛寺在人间粧閣妓樓河寂靜柳似舞腰
池似鏡花落黃昏悄悄時不聞歌吹聞鐘磬寺
門勅榜金字書尼院佛庭寬有餘青苔明月多
閑地比屋疲人無處居憶昨平陽宅初置春餅平
人幾家地仙去雙雙作梵宮漸恐人間盡為寺

西涼伎

西涼伎假面胡人假師子刻木為頭絲作尾金鍍眼
睛銀帖齒奮迅毛衣擺雙耳如從流沙來萬里紫髯
深目兩胡兒鼓舞舞跳梁前致辭應似涼州未陷日安西都
護進來時須臾云得新消息安西路絕歸不得泣向
師子涕雙垂涼州陷沒知不知師子迴頭向西望哀吼

一聲觀者悲負元邊將愛此曲醉坐笑看看不足享
賓犒士宴三軍師子胡兒長在目有一征夫年
七十見弄涼州佞面泣泣罷斂手白將軍主憂
臣辱昔所聞自從天寶兵戈起大戎日夜吞西
鄙涼州陷來四十年河隴侵將七千里平時安西
萬里疆今日邊防在鳳翔綠邊空屯十萬卒飽
食溫衣閑過日遺民腸斷在涼州將卒相看無意
收天子每思常痛惜將軍欲說合慙羞何仍看西涼伎
取笑資歡無所愧縱無智力未能收忍取西涼弄為戲

八駿圖

穆王八駿天馬駒後人愛之寫為圖皆如龍兮頸如象骨

鍊筋高腊肉壯日行萬里速如飛穆王獨乘何一折之四荒
八極踏欲遍三十二蹄無歇時屬車軸折趁不及黃屋草
生棄若遺瑤池西赴王母宴七廟經年不親薦鮮臺南
與盛姬遊明堂不復朝諸侯白雲黃竹歌聲動一人
荒樂萬人愁周從后稷至文武積德累功世勤苦豈
知統及四代孫心輕王業如灰土由來尤物不在大能蕩
君心則爲害文帝却之不肯乘千里馬去漢道興穆王
得之不爲戒八駿駒來周室壞至今此物世稱珍不知
房星之精下爲恠八駿圖君莫愛

澗底松

有松百尺大十圍生在澗底寒且旱澗深山險人路

絕老死不逢工度之天子明堂欠梁木此求彼有兩
不知誰諭蒼蒼造物意但與之材不與地金張世祿
原憲貧牛衣寒賤貂蟬貴牛衣高下雖有殊高者
未必賢下者未必愚君不見沈沈海底生珊瑚歷歷天上
種白榆

牡丹芳

牡丹芳牡丹芳黃金葉綻紅玉房千片赤英霞爛爛
百枝絳艷燈煌煌照地初開錦繡段當風不結蘭麝
囊仙人琪樹白無色王母桃花小不香宿露輕盈汎紫
艷朝陽照耀生紅光紅紫二色間深淺向背萬態隨
仰映葉多情隱羞面臥叢無力含醉粧佯嬌笑容

疑掩口疑思怨人如斷腸穠姿貴彩信奇絕雜卉凡花
無比方石竹金錢何細碎芙蓉芍藥苦尋常遂使王公
與卿士遊花冠蓋日相望庫車軟輦貴公主香衫細
馬豪家郎街宅宅靜閉東院西明寺深闌北廊戲蝶雙
舞看人久殘鷓鴣一聲春日長共愁日照芳難住仍張帷
幕垂陰涼花開花落二十日一城之人皆若狂三代之還
文勝質人心重華不重實重華直至牡丹芳且來有漸
非今日元和天子憂晨采邨下動天天降祥去歲嘉
禾生九穗田中寂寞無人至今年瑞麥分兩岐君心獨喜
無人知無人知可歎息我願暫求造化力減却牡丹妖艷
色少迴卿士愛花心同似吾君憂稼穡

紅線毯

紅線毯擇蠶繰絲清水煮揀絲練線紅藍染染為紅
線紅於藍織作披香殿上毯披香殿廣十丈餘紅線織
成可殿鋪絲絲苴茸香拂拂線軟花虛不勝物美人踏
上歌舞來西韞韞繡鞋隨步沒大原毯澁毛毛縷硬蜀都褥
薄錦花冷不如此毯溫且柔年年十月來宣州宣城太守加
樣織自謂為臣能竭力百夫同擔進宮中線厚絲多卷不
得宣城太守知不知一文毯千兩絲地不知寒人要暖少奪人
衣作地衣

杜陵叟

杜陵叟杜陵居歲種薄田一頃餘三月無雨旱風起來麥苗

不秀多黃死九月降霜秋早寒
禾德未熟皆青乾長夫
明知不中破急歛暴徵求考課
典采賣地納官租明年
衣食將何如剥我身上帛奪我
口中粟虐人害物即豺狼
何必鉤爪鋸牙食人肉不知何
人奏皇帝帝心惻隱知人弊
白麻紙上書德音京畿盡放今
年稅昨日里胥方到
門手持勅牒榜鄉村十家租稅
八九畢虛受吾君蠲免恩

繚綾

繚綾生絲薄
繚綾一日
繚綾也
繚綾繚綾何所似不似羅綃與
紈綺應似天台山上月明
前四十五尺瀑布泉中有文章
又奇絕地鋪白煙花旗雪織
者何人衣者誰越溪寒女漢
宮姬去年中使宣口勅天上取
樣人間織織為雲外秋鴈行
浣作江南春草色廣裁衫

繚綾又繚也
繚綾也
袖長製裙金斗熨波刀剪紋異
絲奇文相隱映轉側
看花花不定昭陽舞人恩正深
春衣一對直千金汗
沾粉污不再者曳土踏泥無惜
心繚綾織成賣功績莫比
尋常繚與帛絲細縲多女手疼
扎扎千聲不盈尺昭陽殿
裏歌舞人若見織時應也惜

賣炭翁

繚綾又功績
績也
賣炭翁伐薪燒炭南山中滿面
塵灰烟火色兩鬢蒼蒼
蒼十指黑心賣炭得錢何所營
身上衣裳口中食可憐
身上衣正單心憂炭賤願天寒
夜來城外一尺雪曉駕
炭車輾冰轍牛困人飢日已高
市南門外泥中歇翩翩
兩騎來是誰黃衣使者白衫兒
手把文書口稱勅迴車

叱牛牽向北一車炭千餘斤官使驅將惜不得半足紅綃
一文綾繫向牛頭充炭直

母別子

母別子子別母白日無光哭聲苦關西驃騎大將軍去
年破虜新策勳勅賜金錢二百萬洛陽迎得如花人
新人迎來舊人棄掌上蓮花眼中刺迎新棄舊未足
悲悲在君家留西兒一始扶行一初坐坐啼行哭牽人
衣以汝夫婦新嫵婉使我母子生別離不如林中鳥與
鵲母不失雛雄伴雌又似園中桃李樹花落隨風子在
枝新人新人聽我語洛陽無限紅樓女但願將軍重立
功更有新人勝於汝

陰山道

陰山道陰山道紇邏敦肥水泉好每至戍人送馬時道傍
千里無纖草草盡泉枯馬病羸飛龍但印骨與皮五十
足繡易一疋繡去馬來無了日養無所用土非宜每歲死
傷十六七繡絲不足女工苦踈織短截充匹散藕絲蛛網
三丈餘迴鶻訴稱無用處咸安公主號可敦遠為可汗頻
奏論元和二年下新勅內出金帛酬馬直仍詔江淮馬價
繡從此不令踈短織合羅將軍呼萬歲捧授金銀與
繡綵誰知點虜啓貪心明年馬多來一倍繡漸好馬漸
多陰山虜奈爾何

時世粧

時世粧時世粧出自城中傳四方時世流行無遠近顯不施朱面
無粉烏膏注脣脣似沉雙眉畫作八字佞妍虫黑白失本態
粧成盡似含悲啼圓髮無鬢質堆髻掠斜紅不暈赭面狀昔
聞被髮伊川中幸有之知有我元和粧梳君記整堆面赭非華風

李夫人

漢武帝初哭李夫人夫人病時不肯別死後留得生前
恩君恩不盡念未已耳泉殿裏令寫真丹青畫出竟
何益不立不覺天愁殺人又令方士合靈藥玉釜煎鍊
金爐焚九華帳中夜悄悄反魂香降夫人魂夫人之魂在何許香
烟引到焚香處既來何苦不須更縹緲悠悠楊花還滅去去何
速兮來何遲是耶非耶兩不知羽平蛾髮方鬢平生貌不似

昭陽寢疾時魂之不來君心苦魂之來兮君亦悲北月燈
灑帳不得語安用暫來還見遠傷心不獨漢武帝自
古及今皆若斯君不見穆王三日哭重璧臺前傷盛
姬又不見秦陵一掬淚馬嵬路上念楊妃縱令妍姿艷
質化爲土此恨長在血銷期生亦惑死亦惑尤物惑
人忘不得人非木石皆有情不如不遇傾城色

陵園妾

陵園妾顏色如花命如葉命如葉薄將奈何一奉
寢宮年月多手月多春秋心秋思知何限青絲髮
落翦影鬢疎紅玉膚銷繫裙縵憶昔宮中被妬猜因誤得
罪配陵來老母啼呼趁車別中宮監送鐔門迴山宮一閉無開

日未死此身不令出松門到曉月徘徊柏城盡日風蕭瑟必松門
栢城幽閉深側聽聽感光陰眠看菊蕊空望陽淚手把梨
花寒食心把花掩淚無人見綠蕪牆遠青苔院四季後支
粧粉錢三朝不識君王面遙想六宮奉至尊宜徽雪夜
浴堂春雨露之恩不及者猶聞不啻三千人三千人我
同君恩何厚薄願令輪轉直凌園三歲一來均苦樂

鹽商婦

鹽商婦多金玉帛不事田農與虺蝨績南北東西不失家風
水為鄉船作宅本是揚州小家女嫁得西江大商客綠鬟
富去金釵多皓腕肥來銀釧窄前呼蒼頭後叱婢問爾
因何得如此婿作鹽商十五年不屬州縣屬天子每年

鹽利入官時少人家多入私官家利薄私家厚鹽鐵尚書遠
不知何況江頭魚米賤紅鱸黃橙香稻飯飽食濃粧倚柁
樓兩朵紅顛花欲綻鹽商婦有幸嫁鹽商終朝美飯
食終歲好衣裳好衣美食有來處亦須慙愧菜弘羊菜
弘羊死已久不獨漢時今亦有

杏為梁

杏為梁柱為柱何人堂室木同府碧砌紅軒色未乾去
年身歿今移主高其牆大其門誰家第宅盧將軍素
泥朱板光未滅今歲官收別賜人同府之堂將軍宅造
未成時頭已自逆旅二里居逆旅中心是主人身是客更
有愚夫念身後心雖甚長計非久躬奢極麗越規模

付子傳孫令保守莫教門外過客聞撫掌迴頭笑殺君
君不見馬家宅尚猶存宅門題作奉誠園君不見魏家
宅屬他人詔贖賜還五代孫儉存者失今在目安用
高牆圍大屋

井底引銀瓶

井底引銀瓶銀瓶欲上絲繩絕石上磨玉簪玉簪欲成
中央折瓶沈簪折知奈何似妾人今朝與君別憶昔在家
爲女時人言舉動有殊姿嬋娟兩鬢負秋蟬羽翼之死轉雙
蛾遠山色笑隨戲伴後園中此時與君未相識妾并青
梅憑短牆君騎白馬傍垂楊牆頭馬上遙相顧一見
知君即斷腸知君斷腸共君語君指南山松柏樹感君

松柏化爲心暗合雙鬟逐君去到君家舍五六年君家
大人頻有言聘則爲妻奔是妾不堪主祀奉蘋蕪終
知君家不可住其奈出門無去處豈無父母在高堂亦
有情親滿故鄉潛來更不道消息今日悲羞歸不
得爲君一日恩情誤妾百年身寄言癡小人家女慎勿
將身輕許人

官牛

官牛官牛駕官車澆水岸邊般載沙一石沙幾斤重
朝載暮載將何用載向五門官道西綠槐陰下鋪沙堤
昨來新拜右丞相恐怕泥塗污馬蹄右丞相馬蹄踏沙
雖淨潔牛領牽車欲流血右丞相但能濟人治國調

陰陽官牛領穿亦無妨

紫毫筆

紫毫筆尖如錐方利如刀江南石上有老兔喫竹飲
泉生紫毫宣城之人采爲筆千萬毛中揀一毫毫
雖輕功甚重管勒工名充歲貢君兮臣兮勿輕用勿
輕用將何如願賜東西府御史願頒左右臺起居榻
管趨入黃金闕抽毫之在白玉除臣有奸邪正衙奏
君有動言直筆書起居郎侍御史爾知紫毫不易
致每歲宣城進筆時紫毫之價如金貴慎勿空將
彈失儀慎勿空將錄制詞

隋堤柳

隋堤柳歲久年深盡衰朽風飄飄兮雨蕭蕭三株兩株汴河
口老枝病葉愁殺人曾經大業年中春大業年中煬天子種柳
成行夾流水西自黃河東至淮綠影一千三百里大業末年
春暮月柳色如烟絮如雪南幸江都恣佚遊應將此柳絮
龍舟紫髯郎將護錦纜青蛾御史直迷樓海內財力此
時竭舟中歌笑何日休上荒下困勢不久宗社之危如綴旒
煬天子自言福祚長無窮豈知皇子封鄴公龍舟未過彭
城閣義旗已入長安宮蕭牆禍生人事變皇駕不得歸
秦中土墳數尺何處葬吳公臺下多悲風二百年來汴
河路沙草和烟朝復暮後王何以鑑前王請看隋堤亡

國樹

草泥泥

草泥泥土蒼蒼蒼泥泥在何處驪山脚下秦皇
墓墓中下洞二重泉當時自以為深固下流水銀象江海
上綴珠光作烏兔別為天地於其間擬將富貴隨身去
一朝盜掘墳陵破龍稔神堂三月火可憐寶玉歸人間暫
借泉中買身禍奢者狼藉儉者安一凶一吉在眼前憑
君迴首向南望漢文葬在灞陵原

古塚狐

古塚狐妖且老化為婦人顏色好頭變雲雲髮面變粧大
尾曳作長紅裳徐徐行傍荒村路日欲暮時人靜處或歌或
舞或悲啼翠眉不舉花顏恆忽然一笑千萬態見者十人
八九迷假色迷人猶若是真色迷人應過此彼真此假俱迷
人人心惡假貴重真狐假女妖害猶淺一朝一夕迷人眼女
為狐媚官邸深日長月長溺人心何況褒姒之色善豔或能喪人
家覆人國君看為害淺深間豈將假色同真色

黑潭龍

黑潭水深色如墨傳有神龍人不識潭上架屋居之祀龍不能
神人神之豐凶水旱與疾疫鄉里皆言龍所為家家養豚澆清
酒朝神暮賽依巫口神之來兮風飄飄紙錢動兮錦傘搖神之去兮
風亦靜香火滅兮盃盤冷肉堆潭岸石酒澆廟前草不知龍神變幾
多林鼠山狐長醉飽狐何辜豚何辜年年殺豚將餒狐狐假龍神
食良豚盡九重泉底龍知無

天可度

天可度地可量唯有人心不可防但見丹誠赤如血誰知偽言巧
似黃勸君掩鼻君莫掩使君夫婦為空商勸君披裙君莫披
使君父子成豺狼海底魚兮天上鳥高可射兮深可釣唯
有人心相對時咫尺之間不能料君不見木子義府之非半笑
飲飲笑中有刀潛殺人陰陽神變皆可測不測人間笑是
瞋

秦吉了

秦吉了出南中彩毛青黑花頸紅耳聰心惠舌端巧鳥
語人言無不通昨日長爪為令朝大紫鳥為消乳鷲一窠
覆馬啄母雞雙眼枯雞號墮地鷲驚去然後拾卵攫其

雛豈無鵬與鸚嗉中肉飽不肯持亦有鸞鶴群閑立賜高
如不聞秦吉了人云爾是能言鳥豈不見雞鷲之冤苦吾
聞鳳凰百鳥王爾竟不為鳳凰之前致一言安用噪噪爾
言語

鷓九釵

歐冶子死千年後精靈暗授張鷓九鷓九鑄釵吳山中天與
日時神借功金鐵騰精火翻焰踊躍求為鑊鉞釵釵成
未試十餘年有客持金買一觀誰知閉匣長思用三尺青
蛇不肯蟠客有心釵與口容代釵言告鷓九君勿矜我玉可
切君勿誇我鐘可刺不如持我決浮雲無令漫漫蔽白日
為君使無私日光及萬物蟄虫昭蘇萌草出

采詩官

采詩官采詩聽訶導人言言者無罪聞者誠下流上通下泰周滅秦興至隋氏十代采詩官不置郊廟登歌讚君美樂府艷詞悅君意若求興諭規刺言萬句千章無一字不是言句無規制漸及朝廷絕諷議諍臣杜口為冗負諫鼓高懸作虛器一人負宸常端默百辟入門而自媚夕郎所賀皆德音春官每奏唯祥瑞君之堂兮千里遠君之門兮九重闕君耳唯聞堂上言君眼不見見門前事貪吏宮氏無所忌奸臣蔽君無所畏君不見屈王胡亥之末年群臣有利君兮君兮願聽此欲聞壅蔽達人情先向歌詩求諷刺 白氏文集卷第四

白氏文集卷第五

古調詩

凡五十三首

常樂里閑居偶題十六韻

常樂里閑居偶題十六韻 魚奇劉十五公與王十一起

呂二兄呂四穎崔玄亮十八元九稹劉三十二敦質張十

五仲元時為校書郎

帝都名利場雞鳴無安居獨有懶慢者日高未梳五拙性不同進退亦遂殊幸逢太平代天子好文儒小才難大用典校在秘書三旬兩入省因得養頑踈茅屋四五間一馬二僕夫錢萬六千月給亦有餘既無衣食牽亦少人事拘遂使少年心日日常晏如勿言無已知躁靜各有徒蘭臺七八人出處與之俱旬時阻談笑旦夕望軒車誰能離校間解帶卧五盧窓前有竹翫門

外有酒沽何待君子數竿對一壺

答元八宗簡同遊曲江後明日見贈

長安十萬人出門各有營唯我與夫子信馬悠悠行行到曲江頭
反照草樹明南山好顏色病客有心情水禽翻白羽風荷翻翠
翠豈何必滄浪去即此可濯纓時景不重來賞心難再并
坐愁紅塵裏夕鼓鼓聲歸來經一宿世慮稍復生賴聞瑤
華唱再得塵襟清

感時

朝見日上天暮見日入地不覺明鏡中忽年三十四分言身未
老冉冉行將至白髮雖未生朱顏已先悴人生詎幾何在世
猶如寄雖有七十期十人無一二今我猶未悟徃徃不留意

胡爲方寸間不貯浩然氣貪賤非不惡道在何足避富貴非不
愛時來當自致所以達人心外物不能累唯當飲美酒終日
陶陶醉斯言勝金玉佩服無失隊

首夏同諸校止遊園元觀因宿翫月

我與二三子策名在京師官小無職事閑於爲客時沉沉道
觀中心賞期在茲到門車馬迴入院中杖隨清和四月初樹
木止華滋風清新葉影鳥戀殘花枝向夕天又晴未
南餘霞披置酒西廊下待月盃行遲須更金魄生若與
吾徒期光華一照耀樓殿相參差終夜清景前笑歌不
知疲長安名利地此興幾人知

永崇里觀唐

季夏中氣候煩暑自此收蕭颯風雨大蟬聲暮啾啾永
崇里巷靜華陽觀院幽軒車不到處滿地槐花秋年光
忽冉冉世事本悠悠何必待衰老然後悟浮休真德豈
長遠至道在冥搜身雖世界任心與虛無遊朝飢有
蔬食夜寒有布裘幸免凍與餒此外復何求寡欲
雖少病樂天心不憂何以明吾志周易在床頭

早送舉人入試

夙駕送舉人東方猶未明自謂出太早已有車馬行騎
火高佗影衝鼓參差聲可恨早朝者相看有意氣生日
出塵埃飛群動互營營營營各何求無非利與名而
我常晏起虛任長安城春深官又滿日有歸山情

招王質夫自此後詩為熱屋尉時作

濯足雲水客折腰簪笏身誼迹相背十里別經旬忽
因乘逸興莫惜訪嘉塵窻前故栽竹與君為主人
祇役駱口因與王質夫同遊秋山偶題三韻
石擁百泉合雲破千峯開平生烟霞侶此地重徘徊
今日勤王意一半為山來

見蕭侍御憶舊山草堂詩因以繼和

琢玉以為架綴珠以為籠玉架斜野鶴珠籠鑠真鴻
鴻思雲外天鶴憶松上風珠玉信為美鳥不戀其中
臺中蕭侍御心與鴻鶴同晚起慵冠為閑行獸遶驄昨見
憶山詩詩思浩無窮歸夢杳何處蒼白居洛水東秋

仙杉桂林春老芝木叢自去別山後離抱帶忡忡衣繡
非不榮持憲非不雄所樂不在此悵望草堂空

病假中南亭閑望

欵枕不視事兩日門掩闌始知吏役身不病不得閑
閑意不在遠小亭方丈間西簷竹梢上坐見太白山遙
愧安年上雲對此塵中顏

仙遊寺獨宿

沙鶴上階立潭月當戶開此中留我宿兩夜不能迴幸
與靜境遇喜無歸侶催從今獨遊後不擬共人來

前庭涼夜

露落簾色似玉風幌影如波坐愁樹葉落中庭明月多

官舍小亭閑望

風竹散清韻烟槐凝綠姿日高人吏去閑坐在茅茨葛衣禦
時暑蔬飯療朝飢持此聊自足心力少營爲亭上獨
吟罷眼前無事時數峯太白雪一卷陶潛詩人心各自
是我是良在茲迴謝爭名客耳從君所嗤

早秋獨夜

井桐涼葉動鄰杵秋聲發獨向簷下眠覺爽半床月

聽彈古淥水

聞君古淥水使我心和平欲識慢流意爲聽疎汎聲西窓竹
陰下竟日有餘清

松齋自題

時爲翰林學士

非老亦非少年過三紀餘非賤亦非貴朝登一命初才小分
易足心寬體長舒充腸習美食容膝即安居况此松齋
下一琴數帙書書不求甚解琴聊以自娛夜直入君門晚
歸卧吾廬形骸委順動方寸付空虛持此將過日自然多晏
如昏昏復默默非知亦非愚

冬夜與錢負外同直禁中

夜深草詔罷霜月凄凜深欲卧煖殘盃燈前相對飲連
鋪青絨被對置通中枕鬢髮百餘宵與君同此寢

和錢負外禁中夙興見示

窓白星漢曙窓暖燈火餘坐卷朱裏幕看封紫泥書宵
宵鐘漏盡瞳瞳霞景初樓臺紅照耀松竹青扶疎君愛此

時好迴頭時謂余不知上清界曉景復何如

夏日獨直寄蕭侍御

憲臺文法地翰林清切司鷹猜課野鶴驥德貴山麋課責
雖不同同歸非兩宜是以方寸內忽忽暗相思夏日獨上直日
長何所為澹然無他念虛靜是吾師形委有事牽心與
無事期中臆一以曠外累都若遺地貴身不覺見意閑
境來隨但對松與竹如在中時情性聊自適吟詠偶成
詩此意非夫子餘人多不知

松聲

月好好獨坐雙松在前軒西南微風來潛入枝葉間蕭
寥發為聲半夜明月前寒風颭雨秋琴泠泠絃一

聞滌炎暑再聽破昏煩竟夕不寐心體俱倦然南
陌車馬動西鄰歌吹繁誰知茲筮下滿耳不為喧

禁中

門嚴九重靜窓幽一室閑好是修心處何必在深山

贈吳丹

巧者力苦勞智者心若憂
憂君無巧智終歲閑悠悠嘗
登御史府亦佐東諸侯
手操紉認簡心運決勝畫
匪途似風水君心如虛舟
況然而不有進退得自由
今來脫芻冠時往侍龍樓
官曹稱心靜居處隨迹幽
冬負南榮日支體甚溫柔
夏卧北窓風枕席如涼秋
南山入舍下酒甕在床頭
人間有閑地何必隱林丘
願我愚且昧勞生殊未休
一入金門直星霜三四周
主恩信難報近地徒久留
終當乞閑官退與夫子遊

初除戶曹喜而言志

詔授戶曹掾捧認感君恩
感恩非為己祿養及吾
親弟兄俱簪笏新婦儼衣中
羅列高堂下拜慶正紛紛
俸錢四五萬月可奉晨昏
廩祿二百石歲一可盈倉
困喧喧車馬來賀客滿我門
不以我為令員知我家內貧
置酒延賀客客容亦歡飲
笑云今日後不復憂空罇
答云如君言願君小逡巡
我有平生志辭後為君陳
人生百歲期七十有幾人
浮榮及虛位皆是身之賓
唯有衣與食此事粗漸身
苟免飢寒外餘物盡

浮雲

秋居書懷

門前少賓客階下多松竹秋景下西牆涼風入東屋
 有琴慵不弄有書閑不讀盡日方寸中澹然無所欲
 何須廣居處不用多積蓄大室可容身斗儲可充
 腹况無治道術坐受官家祿不種一株桑不鋤一壠
 穀終朝飽飯冷卒歲豐衣食持此知愧心自然易為足
 禁中曉卧因懷王起居
 滄海林小漏圭無悄悄暝鷄喧夜雨槐花落微涼卧北軒曙
 燈殘未滅風簾閉自翻每一得靜境思與故人言

養拙

鐵柔不為劔木曲不為轅今我亦如此愚蒙不及門耳心
 謝名利滅跡歸丘園坐卧茅茨中但對琴與鐸身
 去疆鏢累耳辭朝市諠迢迢無所為時窺五十言
 無憂樂性場寡欲清心源始知不才者可以深道根

寄李十一建

外事牽我形外物誘我情李君別來久徧恡從中生
 憶昨訪君時立馬扣柴荆有時君未起稚子喜先迎
 連步笑出門衣翻冠或傾掃階苔文綠拂榻藤蔭
 清家醞及春熟園葵乘露烹看山東亭坐待月南
 原行門靜唯鳥語坊遠少鼓聲相對盡日言不及利
 與名分手來幾時明月三四盈別時殘花落及此新蟬

鳴芳歲忽已晚離抱悵未忘
豈不思命駕失職坐相禁
前時君有期訪我來山城心賞久云阻言約無自輕相去事非
遠走馬一日程

旅次華州贈袁右丞

渭水綠溶溶華山青崇崇山水一何麗君子在其中才與世
會合物隨誠感通德星降人福時雨助歲功化行人與訟
囹圄千日空政順氣亦和黍稷三年由豆客自帝城來驅
馬出關東愛此一郡人如見太古風方今天子心真愛人正
忡安得天下守盡得如袁公

疇揚九弘負長安病中見寄

伏枕君寂寂折腰我營營所嗟經時別相去一宿程攜手昨
何時昆明春水平離郡來幾日太白夏雲生之子未得意
貧病客帝城貧堅志士節病長高人情隱机自恬淡
閉門無送迎龍卧心有待鶴瘦貌彌清清機發爲文
投我如振瓊何以慰飢渴捧之吟一聲

禁中寓直夢遊仙遊寺

西軒草詔暇松竹深寂寂月出清風來忽似山中夕因成兩
南夢夢作遊仙客真闈宮漏聲猶謂山泉滴

贈王山人

聞君減寢食日聽神仙說暗待非常人潛求長生訣言長
木對短未離生死轍假使得假生才能勝天折松樹千年朽
槿花一日歇畢竟共虛空何須誇歲月彭生待自異生

死終無別不如子無生無生亦無滅

秋山

久病曠心賞今朝一登山山秋雲物冷稱我清羸顏白石卧可
枕青蘿行可攀意中如有得盡日不欲還人生無幾何
如寄天地間心有千載憂身無一日閒何時解塵網此地
來掩關

贈能七

澗松高百尋四時寒森森臨風有清韻向日無由陰如何
時俗人但賞桃李林豈不知堅貞芳馨誘其心能生學為
文氣高功亦深予中一百篇句句披沙金苦節二十年無
人振陸沉今我尚貧賤徒為爾知音

題揚穎士西亭

靜得亭上境遠諧塵外蹤馮心軒東望好鳥滅山重重
竹露冷煩襟杉風清病容曠然真真趣道與心相逢即此
可遺世何必蓬壺客

題贈鄭祕書徵君石湍溪隱居

鄭君得自然虛白生心骨吸彼沆瀣精凝為冰雪容大君
貞元初求賢致時色蒲輪入羽卒微迎下天口安年赤城別
松喬黃閣交瓊龍俛仰受三命從容辭九重出龍鶴翮
翩歸林鳳噫噫在火辨良玉經霜識貞松新居寄楚山
山碧溪溶溶丹竈燒烟燭更精花半葺董心悵夜瑟淡
桂樽春酒濃時人不到處空石無塵蹤我今何為者

趨世身龍鍾不向林壑
卜策來相從

及第後歸觀留別諸同年

十年常苦學一上謬成名
擢第未為貴賀親方始
榮時輩六七人送我出帝城
軒車動行色絲管舉離
聲得意減別恨半酣輕
遠程翩翩馬蹄疾春日歸
鄉情

清夜琴琴興

月出鳥栖盡寂然坐空林
是時心境閑可以彈素琴
清冷中本性恬淡隨人心
心積和平氣本應止始
知音鄉音餘群動息由罷
秋夜深止聲感元化天地
清沈沈

效陶潛體詩十六首 并序

余退居渭上杜門不出時
屬多雨無以自娛會家醞
新熟雨中獨飲往往醉終
日不醒懶放之心彌覺自
得故得於此而有以忘於
彼者因詠陶淵明詩通與
意會遂傲其體成十六篇
醉中狂言醒輒自哂然知
我者亦無隱焉
不動者厚地不息者高天
無窮者日月長在者山川
松柏與龜鶴其壽皆千年
嗟嗟群物中而人獨不然
早出向朝並暮已歸下泉
形質及壽人即危脆若浮
烟竟舞與周孔古來稱聖
賢借問今何在一去亦不
還我無不死藥萬萬隨化
遷所未定知者修短遲速
間幸及身健日當歌一罇
前何必待人勸念此自為
歡

翳翳踰月陰沈連日雨閑簾卷天色黃雲暗如土行潦
毀我墉疾風壞我宇遂逢秀生庭院泥塗失塲圃村深絕
賓客窻晦無僑信晝日不下床跳龜時入戶出門無所往
入室還獨處不以酒自娛塊然與誰語朝飲一盃酒冥
心合元化兀然無所思日高尚閑卧暮讀一卷書會意
如嘉話欣然有所遇夜深猶獨坐又得琴上趣按絃有
餘暇復多詩中狂下筆不能罷唯茲三四事持用度晝
夜所以陰雨中經句不出舍始悟獨任人心安時亦過

東家采桑婦雨來苦愁心悲心悲秋蟲北堂前雨冷不成絲西
家荷鋤叟雨來亦然愁種豆南山下雨多落為箕而我獨
何幸醞酒本無期及此多雨日正遇新熟時同瓶瀉罇中
玉液黃金卮持翫已可悅歡嘗有餘滋一酌發好客再
酌開愁眉連延四五酌酣暢入四肢忽然遺物我誰復分
是非是時連夕雨酌所無知人心若顛倒反為憂者嗤
朝亦獨醉歌暮亦獨醉睡未盡一壺酒已成三獨醉勿嫌
飲太少且喜歡易致一盃復兩盃多不過三四候得心中適
盡忘身外事更復強一盃陶然遺萬累一飲一石者徒
以多為貴及其酌酣時與我亦無異笑謝多飲者酒
錢徒自費

天秋無片雲地靜無纖塵團團新晴月林外生白輪憶
昨陰霖天連連三四旬賴逢人家醞熟不覺過朝昏私言
雨霽後可以罷餘罇及對新月色不醉亦愁人床頭殘

酒盞欲盡味彌淳推乃置酒舉酌自殷勤清光入盃
白露生衣巾乃知陰與晴安可無此君我有樂府詩成來
人未聞今宵醉有興狂詠驚四鄰獨賞猶復爾何況
有交親

中秋三五夜明月在前軒臨觴忽不飲憶我平生歡我
有同心人邈邈雀與錢我有忘形友迢迢李與元或飛青
雲上或落江湖間與我不相見于今四五斗我無縮地術君
非馭風仙安得明月下四人來晤言良夜信難得佳期杳
無緣明月又不駐漸下西南天豈無他時會惜此清景前
家醞飲已盡村中無酒賒坐愁今夜醒其奈秋懷何有客
忽叩門言語一何佳云是南村雙劫盞來相過且喜罇不燥安

向少與多重陽雖已過籬菊有殘花歡來苦盞短不見陽斜
老人勿遽起且待新月華客去有餘趣竟夕獨醉歌

原生衣百結顏子食一簞歡然樂其志有以忘飢寒今我
何人哉德不及先賢衣食幸相屬胡為不自安况茲清溜由
處安且閑榆柳百餘樹茅茨十數間寒自笠簷下日熱濯澗底
泉日出猶未起日入已復眠西風滿村巷清涼八月天但有雞
犬聲不聞車馬喧時傾一罇酒坐望東南山稚姪初學步牽
衣戲我前即此自可樂庶幾顏與原

湛湛罇中酒有功不自伐不伐人不知我今代其說良將臨大敵
前驅千萬卒一罇投河飲處死心如一壯士磨匕首勇憤
氣咆嘯一斛忘報雠四體如無骨東海殺孝婦天昏千踰

年月一酌酬其魂通宵而不敢減湯秦獄氣冤痛結爲物
千歲不肯散一沃亦銷失况茲兒女恨及彼幽憂疾快飲
無不消如霜得春力方知麴蘖靈萬物無與正
烟雲隔玄甫風波限瀛洲我豈不欲往大海路阻脩神
仙但聞說靈藥不可求長生無得者舉世如蟬蛸逝者不重
迴存者難久留踟躕未死間何苦懷百憂念此忽內熟生看成日
頭樂盃還獨飲顧影自獻酬心與口相約未醉勿言休今朝
不盡醉知有明朝不見郭門外纍纍墳與丘月明愁殺人
黃高風颼颼死者若有知悔不乘燭遊

吾聞潯陽郡昔有陶徵君愛酒不愛名憂醒不憂貧負嘗
爲彭澤令在官統八旬愀然分心不樂挂印者公門口吟歸去

來頭戴漉酒巾人夫留不得直入故山雲歸來五柳下還以酒
養真人間榮與利擺落如沉塵先生去已久紙墨有遺文
篇勸我飲此外無所云我從老大來竊慕其爲人其他不可
及且傲醉昏昏

楚王疑忠臣江南放屈平晉朝輕高士林下棄劉伶一人常
獨醉一人常獨醒醒者多苦志醉者多歡情歡情信獨苦若
志竟何成元傲雍尾間卧憔悴澤畔行彼憂愛而此樂不道理甚
分明願君且飲酒勿思身後名有一燕趙士言貌甚奇環日日酒
家去脫衣典數盃問君何落拓云僕生草萊地冥命且薄徒
抱玉仇才豈無濟時榮君門乏良媒三獻寢不報遲遲空手
迴亦有同門生先升青雲梯貴賤交道絕朱門叩不開及

歸種禾黍三歲旱為災入山燒黃白一旦化為灰踈跑五十餘
生世若不諧處處去不得却歸酒中來

南巷有貴人高蓋駟馬車我門何所苦四十垂白影頽容云
君不知位重多憂虞北里有寒士甕牖繩為樞出扶采
藜杖入卧蝸牛廬散賤無憂患心安體亦舒東鄰有富
翁藏貨徧五都東京收粟帛西市鬻金珠朝營暮計
算晝夜不安居西舍有貧者疋婦配疋夫布裙行僂壽短
褐坐傭書以此求口食一飽欣有餘貴賤與貧富高下雖有
殊愛樂與利害彼此不相踰是以達人觀萬化同一途但未知
生死勝負兩何如遂疑未知間且以酒為娛

牧野伯夷餓首陽同時號賢聖進退不相妨謂天不愛民
胡為生禍梁謂天果愛民胡為生豺狼謂神福善人孔
聖竟相違謂神禍淫人暴秦終霸王顏回與黃憲何辜
早夭亡瓊蛇與鳩鳥何得壽延長物理不可測神道
亦難量舉頭仰問天天色但蒼蒼唯當多種黍日
醉手中觴

白氏文集卷第五

所謂遺子黃金滿籝不如教子一經宜哉然子身
書庫羅蜜水回祿之災不具殿最之書商繞而患
縣縣不息焉予壯年時需一二之簡編遺家嚴
誠亡散矣這瀏白氏文集瀏三四五之一卷疑借失
豈不遺恨乎故欲遺左右新寫有命它大十數卷無
寸滌故欲四字之志顧氣已憊不克文字形止然積不補之
患年歲於是顧不慚愧秉秀亮毫末系書藏于內庫焉蓋
捨可勤大事而遺小事賢愚小大得失不倫如石如水
杜進聚書萬卷後題云請休寫來予校子絲讀之知
聖教漸及借人爲不孝格言哉唯不及心力者火難也
將來可免則幸甚幸甚

時天明七年丁未仲春望從一位實蓮師吉人

此書前表於前尚有同前書與此書不同下附說書亦不愛也

C

